

# **PRAVILA PRIVATNOSTI**

## **UPRAVE POLICIJE MUP TK**

Cilj Pravila privatnosti Uprave policije, Ministarstva unutrašnjih poslova Tuzlanskog kantona je da, u skladu sa članom 68. Zakona o zaštiti ličnih podataka (u daljem tekstu: Zakon), svim osobama čije lične podatke Uprava policije, Ministarstva unutrašnjih poslova Tuzlanskog kantona (u daljem tekstu: Uprava policije) obrađuje u okviru postupaka koje provodi, uz izuzetke propisane posebnim zakonom, na transparentan način pruži informacije o obradi njihovih ličnih podataka.

Pravila privatnosti se primjenjuju na sve lične podatke koje Uprava policije prikuplja, upotrebljava ili na drugi način obrađuje, direktno ili putem drugih kontrolora.

Prema Zakonu dole navedeni pojmovi imaju sljedeća značenja:

Lični podatak je svaki podatak koji se odnosi na fizičku osobu čiji je identitet utvrđen ili se može utvrditi.

Obrada ličnih podataka je svaki postupak ili skup postupaka koji se obavlja na ličnim podacima ili na skupovima ličnih podataka, automatiziranim ili neautomatiziranim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombiniranje, ograničenje, brisanje ili uništavanje.

Kontrolor podataka je fizička ili pravna osoba, javni organ ili nadležni organ koji samostalno ili sa drugim određuje svrhe i sredstva obrade ličnih podataka.

Nadležni organ je organ koji je nadležan za sprečavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i sprečavanje prijetnji javnoj sigurnosti, kao i pravne osobe ako su zakonom ovlaštene za obavljanje ovih poslova kao posebna kategorija.

### **1. Podaci o kontroloru podataka**

Ministarstvo unutrašnjih poslova Tuzlanskog kantona  
Uprava policije, Ministarstva unutrašnjih poslova Tuzlanskog kantona  
Adresa: ulica Turalibegova bb  
Kontakt telefon: +387 35 365 365 Fax: + 387 35 255 538, 365 388

Službenik za zaštitu ličnih podataka,  
Tel: +387 365-365, e-mail: [szzlp.up@mup.tk.ba](mailto:szzlp.up@mup.tk.ba)

### **2. Svrha i pravni osnov za obradu ličnih podataka**

Vaše lične podatke Uprava policije obrađuje u skladu sa Zakonom, a na osnovu člana 18. Zakona o unutrašnjim poslovima Tuzlanskog kantona ("Službene novine TK" broj: 04/10, 5/11, 14/11, 2/12, 8/13, 10/14, 9/15, 13/16, 14/17, 11/18 i 14/18), izvršavajući svoje zadatke i ovlaštenja, te drugim primjenjivim zakonima.

Navedeni zadaci i ovlaštenja uključuju:

a) zaštitu života i imovine;

- b) sprečavanje, otkrivanje i istraga krivičnih djela i prekršaja na području Kantona;
- c) poslove i zadatke koji se odnose na održavanje javnog reda i mira;
- d) kontrola i regulisanje saobraćaja na putevima Kantona, te drugi poslovi u oblasti saobraćaja;
- e) poslove izdavanja odobrenja za nabavljanje, držanje i nošenje oružja i municije, kontrolu nabavke i vođenja propisanih evidencija;
- f) druge poslove i zadatke utvrđene zakonom i drugim propisima.

### **3. Vremenski period čuvanja ličnih podataka**

Vaše lične podatke Uprava policije obrađuje u vremenskom periodu koji je potreban da se ispuni svrha njihove obrade. Uprava policije redovno vrši periodičnu provjeru opravdanosti daljeg čuvanja ličnih podataka te se svi podaci koji više nisu potrebni za utvrđenu svrhu ili zakonske obaveze bez odlaganja brišu. Nakon prestanka svrhe za koju su prikupljeni, vaši lični podaci više se ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi.

### **4. Tehničke i organizacione mjere zaštite ličnih podataka**

Vaše lične podatke Uprava policije obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih podataka te smanjenje količine ličnih podataka po principu neophodnosti. Uprava policije poštuje vremenski period čuvanja ličnih podataka kao i njihovu raspoloživost. Preduzete su fizičke, tehničke i organizacione mjere zaštite ličnih podataka koje su propisane Planom sigurnosti ličnih podataka. Svi zaposleni u Upravi policije potpisali su izjave o povjerljivosti ličnih podataka kojima pristupaju.

### **5. Koja su Vaša prava u vezi sa obradom ličnih podataka?**

Vaša prava, uz izuzetke propisane posebnim zakonom, su:

- pravo na pristup svojim ličnim podacima,
- pravo na ispravku ličnih podataka,
- pravo na brisanje ličnih podataka i
- pravo na prigovor.

Za ostvarivanje svojih prava možete se obratiti Upravi policije pisanim putem ili putem elektronske pošte na naprijed naznačenu adresu. Ako ste nezadovoljni postupkom Uprave policije, možete se obratiti nadležnom nadzornom organu [www.azlp.ba](http://www.azlp.ba) ili putem tužbe nadležnom sudu.

### **6. Prenos ličnih podataka drugim kontrolorima podataka, prenos ličnih podataka u inostranstvo**

Vaše lične podatke Uprava policije može dati drugim kontrolorima ukoliko je to potrebno za izvršavanje zakonom propisanih obaveza. Takođe, vaše podatke Uprava policije neće prenositi drugim kontrolorima u inostranstvu, osim ukoliko takva obrada nije neophodna na osnovu zakona ili međunarodnog ugovora koji obavezuje Upravu policije. Vaše lične podatke Uprava policije daje pružaocima informatičko-komunikacionih usluga sa kojima je zaključila ugovor i koji poštuju pravila postupanja sa ličnim podacima.

### **7. Korištenje kolačića (cookies)**

Kolačići (cookies) su male datoteke koje web stranice pohranjuju na vašem uređaju (računaru, telefonu ili tabletu) prilikom posjete tim stranicama.

Na našoj službenoj internetskoj stranici <https://mupk.ba/> koriste se dva obavezna (sigurnosno) i funkcionalna kolačića. Osim toga jedini eksterni servis koji koristimo (Youtube), koristi svoj niz kolačića.

## **8. Promjene Pravila privatnosti**

Uprava policije će redovno ažurirati Pravila privatnosti kako bi ista sadržavala tačne informacije. O svim izmjenama i dopunama bit ćete blagovremeno informirani u skladu sa principom transparentnosti.